

5. Strategia

O kvalitativo pedagogikalo proceso vazdyola pe i baza e pačaimaski, ke o arakhimos, o sičuvimos taj o bararimos si koherentno jekhimos, taj ke sako jekhe šavoresko bahtalimos si kriteriji angla sičuvimos. Ži kaj pinžaras ke o sičuvimos kerel pe butšandes ande kaverane situaciji, o majpaluno cilo e pedagogiake procesosko si te vazdel uče apal aresavimaske ažukarimata sako jekhe šavoreske, taj te pinžaravel pe o puškerimos, o rodimos, o kritikalo gindisarimos, taj kooperacia, kajso sako jekh šavoro astarel e šajunimata taj than anda sičuvimos po intrego trajo.

E strategija e sičarangi te pinžaraven o sičuvimos trubul te sikavel demokratio kučimata, taj e pinžarimasko bararimos taj o akademiko anglarimos trubul te phandaven pe e socialo baruvimasa. E strategija trubul te vazdel e šajunimata so trubuna kajso e šavorra te kerdyon godorvale žene ando dostimos/societeta, sar te avel len empatia taj griza anda e avera, t'aven phuterde taj pačivale karing o averikanimos. E sičarra trubul te den šansa te kerel, te sikaven taj vi te čačvaren peske dikhimata, taj vi te avel len alosarimata taj godyaver deciziji, taj te aresen konsenzo. O sičarri si o godorvalo ženo te kerel deciziji taj alosarimata pa savi sičarimaski strategija šaj del o majlašo žutimos sako jekhe šavoreske, kaj te aven baxtale sikle taj te aresen e agordimata so inkerdyon ande themeske ažukarimata taj e personalo baruvimaske cilura.

5.1 O sičari čačvarel maj but sičarimaski strategija save aktivno parujen e šavorren te barol lengo žanimos, šajunimos, taj dispoziciji sar kodo vi si regulime ande themeske ažukarimata, taj kodo si i fundacia e sičuvimaski po intrego trajo.

1. O sičarra utlizil majbut aktivno sičuvimaske strategiji so aresena e šavoreske intregi baruvimaske malya po holistično drom.
2. O sičarri oferil aktivimata so phutren o drom angla rodimos, zumavimos, biumblado pušabai taj kreativimos.
3. O sičarri utlizil kasavi strategija so sikavel o gindisarimos po maj učo nivelo taj sikavel sar te rešinen pe e problemura.
4. O sičarri pinžarela, kučarela, taj kerela averane šansi e informalo sičuvimaske paša o direktno sičarimaski vrama.
5. O sičarri hulavela e sičuvimaske cilura e šavorrenca taj mangel e šavoren te phenen vi von pa o sičuvimasko drom taj e agordimata.
6. O sičarri mangel e šavorrendar te utlizil i tehnologia sarso trubul pala baruvimos kaj te ažutin pe lenge sičuvimaske taj baruvimaske šajunimata so trubula len te aven aktivna ande informaciako dostimos.

5.2 O sičarri utlizil e sičarmaske strategiji so ažutin e šavorresko hačarimos taj o socialo baruvimos.

1. O sičarri oferil aktivimata save vazden e xurdengo hatyarimos pa o individualimos taj identiteta.
2. O sičarri utlizil kasave strategiji save vazden e hurdengi autonomia taj iniciativa.
3. O sičarri utlizil kasave strategiji savenca e šavorra regulin pe korkorri.
4. O sičarri utlizil kasave strategiji save žutin e šavoreske te vazden pozitivno relaciji taj kooperacia e kaverenca.
5. O sičarri bararel e šavorrenge šajunimos te rešin konfliktok.

5.3 O sičarri getosarel aktivimata dikhindos e šavorrenge phiradimata taj kompetenciji maj dur te vazden taj te bulharen lengo baruvimos taj sičuvimos.

1. O sičarri phandavel e neve koncepciangi taj šajunimatango sičarimos e xurdenge phurane žanimosa taj phiradimatenca.
2. O sičarri dela dosta but taj efektivno žutimos e šavorrenge pala lenge trubulimata taj anglarimos.
3. O sičarri phenel e šavorrenge te šuven peske cilura taj žukarimata angla pengi čači buči taj te len sama vi pe peske sičuvimaske agordimata.
4. O sičarri bilarela e sičuvimaske phiradimata e šavorra te šaj dikhen e relaciji maškar e sičuvimaske koncepciji aj e sako gyeseske phiradimata taj kade vi šaj šon le ande čačuni situacia.

5.4 O sičarri utlizil strategiji save pinžaraven e demokratio procesura taj proceduri.

1. O sičarri modelisarel taj čačvarel kasave procesura aj proceduri save phutren o drom angla e laše vasteski kooperacia aj žutimos maškar e šavorra.
2. O sičarri utlizil strategiji save pinžaraven e šavorrenge participacia aj e godorvalimasko/responsibiletako hačarimos taj vi kodoleske konzekvenciji.
3. O sičarri utlizil kasave strategiji save ažutin e šavorrenge te sičon pa e granici, pa reguli taj limitura, taj sičaren len te pačivin e kaverenge čačimata ande demokratio dostimos/societate.
4. O sičarri oferil šansa e šavorrenge te šaj alosaren vi e sičuvimasko proceso taj vi kaver situaciji taj ažutin te hačaren e konzekvenciji penge alosarimasko so von kerde maj anglal.

6. E Sičuvimasko Krujalimos

E sičumasko krujalimos efektil e šavorrenge kognitivo, socialo, emocionalo taj fizikalo baruvimos. Te kerela pe jekh fizikalo taj psihologikalo sigurno taj motivaciako krujalimos so oferil materiali pe adekvato baruvimos, zumavimos taj situaciji, atunči o sičarri kade ažutil e šavorrenge sičuvimos, ke vi korkorro taj vi ande grupa šaj rodena, khelena pe, aresena kaverane xainga, taj šaj kerel svato vi kaver šavorrenca taj vi bare ženenca.

O sičarri garantisarel ke sako šavorro si baxtyardo, taj tradela e šavorrenge o gindo ke sako ženo si te avel pačivime, ke sako šavorro taj familia si šerutno kotor ande e klasaki kommuna, taj ke sako jekhe šavorres si les e šansa te lel hazna e hulado komunake thanestar taj xaingandar taj vi te kerel anda lengo inkerimos. O sičarri oferil jekh sigurno krujalimos taj del than e kaverane sičuvimaske trubulimatange, taj phenel e šavorrenge te kerel buči khetanes, te khuyen pe e kaverance ande aktivimata, taj te len riziko pala pengi sičuvimos. E školake avralune thana taj vi e komunake xainga si kuč kotora ande jekh barvalo sičuvimasko krujalimos.

6.1 O sičarri kasavo sičuvimasko krujalimos kerela kaj sako šavorro kamel te hačarel pe mišto.

1. O sičarri kasavo krujalimos kerel kaj garantuil pe ke sako šavorro hačarel ke si les than khatarso šindyla taj ke khote si les vi komforto.
2. O sičarri del pačiv e šavorrenge ke sikavel intereso ande lenge hačarimata, gindura taj phiradimata.
3. O sičarri kerel kasavi atmosfera kaj e šavorrenge phenel pe te sikaven pe, taj te den pe anglal.
4. O sičarri kerela kasavo krujalimos kaj motivil e šavorren te len adekvato riziko pa pengi baruvimos taj sičuvimos.
5. O sičarri kade kerel, ke sako šavorro bararel jekh phandavimos taj jekh individualo relacia lesa/lasa.

6.2 O sičarri kerel kasavo fizikalo krujalimos savo akharel e šavorren, si sigurno, del motivacia taj integruil taj ažutil vi te sičon te roden, vi ando sičuvimos taj vi biumbladimos (na umbladyon e dadestar, datar, či kaverendar).

1. O sičarri garantisarel ke e šavorresko krujalimos si fizikalo sigurno taj naj phares te lel pe sama pe leste.
2. O sičarri garantisarel ke o than akharel e šavorren taj khote si lenge komfortno kaj šaj khuyen pe ande majbut aktivimata.
3. O sičarri lašarel o than taj hulavel les ande sektora definime e interesondar taj pala i logika kaj te ažutil pe lengo sičuvimos taj vi o baruvimos.
4. O sičarri anel e šavorrenge kasave materiali so kaverane si, si but lendar, šaj aresen pe, taj si mišto lenge baruvimaske, taj so vi motivil e šavorren te roden taj te arakhen, te khelen pe taj te sičon.
5. O sičarri phenel e šavorrenge te ažutin te getosaren, te inkeren šukares pengi krujalimos.
6. O sičarri kade paravel o fizikalo krujalimos kaj te del palpale e šavorrenge trubulimatange te si korkorro vaj te si ande grupa.

6.3 O sičarri kerel kasavo krujalimos so pinžaravel e šavorrenca o hačarimos e komunako taj vi von te žutin te kerel pe e kultura e klasaki.

1. O sičarri phenela čisto peske žukarimata e šavorrenge pala sar te inkren pe, haj e šavorrenca khetane, te kamela pes, kerela e reguli.
2. O krujalimos so kerel o sičarri vazdyola pe demokratio kučimata taj del e šaven troma te kerel vi von kodo.
3. O sičarri utlizil logikalo rutini te pinžaravel e šavorrenca so si te regulin pe korkorro taj so si o biumbladimos.
4. O sičarri dikhel so si e šavorrenge personaliteta taj lengo trubulimos te baron taj numa kana žanel kodo, phenela lenge sar te inkren pe.



7. Profesionalo Baruvimos

I kvalitativo pedagogia kerela pe kasave sičarrendar, save kanagodi phirena te baron vi profesionalno vi personalno, lena sama pe pengi praktika, taj kerel buči mišto kaverenca te modelin sar sako jekh šaj raduil pe e sičuvimaske procesostar po intrego trajo. E sičarresko godorvalimos si te čačvarel e žukarimata e themeske raimatange pe kasave droma, save vazdjona po pačaimos, ke sako jekh šavorro šaj avel bahtalo siklo. Vi kodolesa kamen majfeder te žutin e šavorrenge baruvimos taj sičuvimos.

O sičarri modelinel taj vi vov/voj raduil pe e sičuvimastar taj e šajunimatandar so žutina paše, dela palpale sako neve pharimaske ande sako gyesesko trajo taj buči, nevimata ande societeta, vazdel e informaciako butimos taj lela nevi tehnologia. E aktivo participacijsa, kritikalo gindisarimasa, taj e partnerimatenca so kerde kaverenca, e sičarra lašaren e profesionalo performancaki kvaliteta, pinžaraven peski profesia, taj vazden pesko šajunimos te phiraven e kvalitativo sičuvimos angla sa e šavorra.

7.1 O Sičarri kanagodi lašarel peske šajimata/kompetenca te resel taj te Inkrel uči kvaliteta ande sičarimaski profesia kade sarso trubula ande adyesuni luma.

1. O sičarri pinžarel o šerutnimos e sičuvimasko po intrego trajo taj viv vov/voj phirel pe kaverane personalo taj profesionalo baruvimaske šanse.
2. O sičari dela palpale, pušela pe, pušela kaveren, taj kučarela i kvaliteta peske pedagogikalo praktikaki taj o nivelo e profesionalo sičarimaski taj, te trubula, vi parugel les.
3. O sičarri kerel buči kooperativno te bararel i generalo kvaliteta peske čače praktikaki taj vi peske profesiaki.
4. O sičarri lel e decizia ande peski buči če žanimos, šajunimos, biumbladimos taj kritikalo gindisarimos utlizila/hasnila.
5. O sičarri phirela pe publiko komunake aktivimata te pinžaravel o šerutnimos e kvalitativo sičarimasko taj sako jekh šavorro te šaj resel o kvalitativo sičarimos taj te avel e sičarimaski profesia respektuime.



E ISSA Reguli pašlyon ando ilo sa e aktivamatango so e ISSA taj lake žene čačvarena.



ISSA-ki Definicija pa Kvalitativno Pedagogia



Šajune Sičarra
ande 21to Šelberš
REGULI PA I KVALITATIVNO PEDAGOGIA

I ISSA si jekh nevjarimasko drakhin ekspertongo pa o baruvimos e xurdengo taj organizaciango maj anglal ande Centralo/Istočno Evropa taj Centralo Ažia, so kerena buči, kaj sako jekh šavorro te šaj aresel sičuvimos ande kvalitativo xurdelina.



1. Vorbisarimata

E vobisarimata maškar e bare žene taj e šavorra, taj te del pe duma e raklenca, si klidune kaj te ažutil pe taj efektil pe e šavorrenge fizikalo, socialo, emocianalo, hačarimasko taj kognitivo baruvimos. Von si šerutne vi te pinžaraven pe e šavorrenca te sičon kanagodi, kaj phenel pe lenge te baron taj te parujen žanimos, phiradimos, hačarimata taj dikhimata. Perdal so kerena svato šaj baron e šavorra taj šaj hačaren ko si von, sar si kana si žene ande jekh kommuna, taj šaj pinžaren vi e luma.

E sičareski rola si te del šansa e šavorrenge te šaj uštaven ande vobisarimata te den duma te šaj len kotor ande procesura te šaj phandaven o žanimos taj mandaimos khetane, te žutil lenge sičuvimaske taj baruvimaske ande ferisarimasko drom, taj te modelinel lenge sar si e pačivale taj e ažutimaske interakciji maškar sa e bare žene save si inkerde ande šavorrenge trajo. Kasave interakciji so sikaven taj tromaven šukar taj pačivale paruvimata maškar e procesoske sa e žene, kaj sakonesko hango ašundyol, taj e šavorra kade barona, ke kerdyona žene sar tromake sikle, ta sar ko del taj vi grizil e societeta.

1.1 O sičarri del duma e šavorrenca po amalikano taj pačivalo drom taj kodo žutil e šavorrenca te barol i konstrukcia peske identitetaki taj vi peske sičuvimaski.

1. E sičarreske vobisarimata si tate taj grizimaske, sikavel ke vojil pes e šavorrenge baruvimastar.
2. E sičarreske vobisarimata e šavorrenca taj lenge ažukarimata si konzistentno e šavorrenca baruvimaske taj sičuvimaske procesosa.
3. O sičarri kade del duma butivar e šavorrenca sako jekh gyes te vazdel lenge zuralimata taj stimulisarel lengo sičuvimos taj vi lengo baruvimos.
4. E sičarreske vobisarimata dena palpale sako šavorrenca emocionalo, socialo, fizikalo, taj kognitivo zuralimatange taj trubulimatange.
5. O sičarri dela šansa sako šavorrenca te alosarel peske taj e kavera te hačaren vi te respekcin so von alosarde.
6. E sičarreske vobisarimata e šavorrenca vazdena e šavorrenge iniciativa, autonomia, te arakhen pe korko, taj vi lengo šerutnimos.

1.2 E sičarreske vobisarimata pinžaraven o baruvimos jekh komunako savu sičol kaj sako šavorro hačarel ke khote šindyon taj khote primina ažutimos te šaj arenen pesko potencialo.

1. O sičarri kade kerel, ke e xurde te den duma maškar pende, te vazdel lengo socialo baruvimos, bute ženenca khetane te hačaraven pe, te žutin jekhavereske, taj te avel len jekh kommuna kaj del pe duma lenge te arenen peske sičuvimaske taj baruvimaske cilura.
2. O sičarri oferil aktivimata save ažutin e šavorrenge te te sičuyen te hulaven e hačarimata, te pinžaren len anda pende taj ande e kaver xurde, taj te den duma pa lende.
3. O sičarri pinžaravel e demokratiko kučimata, kajso tromavel sako šavorrenca te sikavel pesko dikhimos ande šukar drom taj te lel kotor/participuil ande deciziangos andyimos.
4. O sičarri pinžaravel taj ažutil te barol e šavorrenge šib taj vi lengi komunikacia ande kaverane taj maj but droma taj sako gyes.

1.3 O sičarri lel kotor ande duje rigune diskusiji, kaj si len cilo taj del duma kavere bare ženenca kaj te ažutil pe e xurdengo baruvimos taj sičuvimos.

1. O sičarri del duma pačivales e familianca, peske kollegonca, taj aver komunikacia ženenca te modelinel taj te pinžaravel kasave vobisarimata.
2. O sičarri kerel kooperacia kavere ekspertonca ande škola taj ande kommuna kaj te vazdyol e šavorrenge baruvimos taj sičuvimos.



2. Familia taj Kommuna

Zurale partnerimata maškar e sičarra, familiji, taj kaver kommunake žene trubun paša e šavorrenge sičuvimos taj baruvimos. O sičarri si te pinžarel ke e kheres si les rola pala sičuvimos taj ke a fanmilia si o angluno sičuvimos taj socialo than e šavorrenca, anda kodo trubul o sičarri te vazdel poduri maškar e škola taj e familia/kommuna taj te kerel duje riguni komunikacia kanagodi.

E kaverane kompiziciji, a situaciji, e trajoske stilura taj e xaktera e familijange taj e šavorrenge kommune trubul te len pe sama kaj sa maj feder te šaj ažutil pe e šavorrenge sičuvimos taj baruvimos. E sičarresko hačarimos taj ke sar del palpale e rromenge, sikadyola ando drom sarso vov pinžarela, žanela so barvales e familiji šaj den paša e šavorrenge sičuvimos, e klasako trajo taj e škola.

O sičarri kerel te avel komunikacia taj vobisarimata maškar e familiji, e škola taj vi e kommuna, taj kade žutija te pinžardyol sako jekhesko interesos ande hulado drom taj vi e godorvalimata karing o sičarimos taj o avindimos e šavorrenge taj kodo vazdela e socialo kohezija pe maj učo nivelo.

2.1 O sičarri kerel partnerimata e familianca taj del maj but sansa e familijange taj e kommunake ženenge te aven vi von inkerde ande e šavorrenca sičuvimos taj baruvimos.

1. O sičarri akharel taj bahtyarel e familijake ženene ande klasako than taj arakhel drom sako familijake te šaj lel kotor ande e sičuvimasko procesos taj ande o trajo e sičuvimaske kommunako.
2. O sičarri inkrel e familijake ženene taj hulavela lenca e deciziji so keren pe pa e šavorrenge sičuvimos, baruvimos taj socialo trajo ande klasa.
3. O sičarri inkrel e familijake ženene ande deciziji save keren pe pa e šavorrenge sičuvimaske krujalimoso krujalimata.

2.2 O sičarri utilizil/hasnil formalo taj informalo šansa pe i komunikacia taj e e informaciako hulavimos e familianca.

1. O sičarri butivar del duma/kerela komunikacia e familianca pa lenge šavorrenge sičuvimos taj baruvimos, ažukarimata e khatar e kurrikula, taj programura so keren pe ande klasa.
2. O sičarri butivar del duma/kerela komunikacia e familianca pa lenge šavorrenge situacija khere kaj te šaj pinžarel maj feder so si e šavorrenca zoralimata, interesi taj trubulimata.
3. O sičarri arakhela šansa e familijange, kaj te šaj sičon jekhaverestar taj vi te šaj den duma jekhavereske.
4. O sičarri inkrel i informacia pa e familiji taj e šavorra garades.

2.3 O sičarri hasnil e kommunake xainga taj e familijake kultura te vazdel e šavorrenge basruvimaske taj sičuvimaske phiradimata.

1. O sičarri ingrel e šavorrenca ande kommuna vaj anela e komunikacia ženene ande škola kaj e šavorrenge sičuvimos taj socializacija te šaj barol.
2. O sičarri žutisarel e familijange te kiden peske informacia, xainga, taj sevimata so trubula len te vazdyol e šavorrenge sičuvimos taj baruvimos.
3. O sičarri hasnil o žanimos e šavorrenge komunango taj familijange, so si sar šerutno kotor ande kurrikula taj si lenge sičuvimaske phiradimata.
4. O sičarri oferil informacia taj gindura e dadenge, dejange taj familijange ženenge, kaj te šaj keren o kher jekh kasavo than, kaj lokhes šaj sičuyen taj vi žutin te zurarel e dadenge, dejange kompetenciji.



3. Integracia, Kaverikanimos, taj e Demokraciake Kučimata

Te pinžaravel pe o čačimos sako jekh šavorrenca taj familijako te aven inkerde, respektime, te len kotor/participuin, te keren buči karing khetanutne cilura taj te resen pengos pherdo potecialo specifiko fokusosa pe e maj kovlarde si klidune angla kvalitativno pedagogia. Si importante ke e sako gyeseski praktika dela palpale e pačaimata so si romane ande Unisarde Naciaki Konvencia pa e šavorrenca čačimata taj vi ande kaver maškarthemutne taj themutne dokumentura.

O sičarri si sar jekh modelo ko garantisarel ke e sako gyeseske phiradimatenco e šavorra šaj sičon te ašaren taj te kučaren e kaverikanimos taj te bararen šajunimata te šaj len kotor/participuin. O sičarri pinžaravel o ašarimos e kaverane trubulimatango, efektivo kooperacia karing e khetanutne cilura, taj respekto karing e specialo interesi taj trubulimata e varesave šavorrenge vaj grupange. Sako jekh šavorro si te dikhel pe sar aktivno participantos ande sičarimasko procesos, sar individualo taj sar jekh jekhuno ženo e kommunako taj vi e maj bare societetako.

3.1 O sičarri del jekhuni šansa sako jekh šavorrenca taj familijake te sičuyen taj te len kotor/participuin taj či dikhela lengo ling (murš vaj džuvli), rasa, etnikalo origina, kultura dejuni šib, pačaimos, familijaki struktura, socialo status, ekonomikalo status, beršimos vaj specialo trubulimos.

1. O sičarri žanela peske pačaimata, atitudi taj phiradimata taj sar kodola efektina e komunikacia e šavorrenca, familianca taj o sičarimos.
2. O sičarri dikhel sako jekh šavorrenca pačivasa, dignitetasa, taj grizimasa, taj dela len šansa te len kotor ande e školako trajo.
3. O sičarri dikhel sako jekh familia pačivasa, dignitetasa, taj grizimasa, taj rakhela drom te inkrel len ande penge šavesko sičarimos.
4. O sičarri utilizil kasavi šib taj aktivimata so či astaren duma pal o ling (muršipen, džuvlipen) taj aver anglikrisimata/stereotipi.
5. O sičarri kerel adaptacia e krujalimaske taj sičarimaske aktivimatange, kajso vi o šavorra kaverane šajunimatenco, sičarimaske trubulimatenco, taj socialo situacija te šaj len kotor ande buter aktivimata.

3.2 O sičarri žutisarel e šavorrenge te haljon, akceptin taj te vojnin pe anda kaverikanimos.

1. O sičarri raduil pe taj vi inkrela ande pesko sičarimos o kaverikanimos so arakhela pe maškar e šavorra, lenge familiji taj vi andal ande lengi kommuna.
2. O sičarri utilizil/hasnil šanse te cirdel e šavorrenge kana karing kaverikanimos so arakhel pe avral e škola ande pačivalo drom taj vi zurarela lesko akanutnimos.

3.3 O sičarri vazdel e šavorrenca hačarimos pa e civilo societetake kučimata taj pa e šajunimata so trubun paša i participacia.

1. O sičarri zurarela e šavorrenca bahtalimos taj respekto karing e kaverane preferenciji taj dikhimata taj žutisarel e šavorrenge te baron lenge šajunimata te sikaven peske dikhimata mišto.
2. O sičarri žutisarel e šavorrenge te hačaren sar e stereotipi taj e anglikrisimata šaj efektin e atitudi taj e phiradimata, ko sar inkrel pe.
3. O sičarri phenel e šavorrenge te arakhen jekhaveres po jekhuno drom, korrektno, respekto, taj pačivasa taj te žukaren sa kodo vi e kaverendar.
4. O sičarri sikavel anglunes o koncepto e personalo godorvalimasko kaj arakhel pe o krujalimos, taj del šansa e šavorrenge vi te praktikin o koncepto.



4. Kučarimos taj Getosarimos

E kvalitativo pedagogia pinžarel e rola e kučarimaski taj getosarimaski savendar sako jekh šavorro šaj hačarel pe bahtalo. O sičarri phandavela so si mišto te ažukarel pe šukares e baruvimastar, e themutne ažukarimata, slobodia kaj te keren taj te roden, sako jekh šavorrenca taj vi e grupake interesonca taj trubulimatenco taj kerel sa te avel jekh kohezivno rama. E kučarimasko-getosarimasko ciklo del vast e šaveske baruvamske taj sičuvimaske, vazdela pe e šavorrengeo naturalo puškerimos, lengo phurano žanimos taj šajunimata, interesi taj phiradimata.

Si šerutno, ke o procesos pinžaravel o baruvimos e šajunimatango pala e ženesko kučarimos taj pala o sičuvimos intrego trajo taj e dispoziciango. Sistematično dikhela paše e šavorrenca taj utilizil/hasnil aver adekvato strategija, kadya kerel o sičarri lungone taj skurto vramake planura so si krujal sako jekh šavorrenca taj sa e grupako interesi taj trubulimata taj dela vi ažutimos taj pharimata angla lenge avinde agordimata.

O sičarri kerela planura pala kodo, so e šavorra kerena aba, ženena aba, taj hačarena aba, taj rodel so trubul sako jekh šavorro te arenel pesko pherdo potencialo. E planura dena than e kaverane sičarimaske stilonge taj šajunimatango e individualo šavorrenge taj paravel pe kana trubul. E šavorra, familiji taj relevanto ekspertis inkren pe ande e kučarimasko taj getosarimasko ciklo. O procesos fokusarel pe taj si fleksibilo, taj dikhela vi sar žal angle o sičuvimos taj so perel pe ando viatsa e šavorrenca, e komunikaci, e lumaki, taj rodelo kaj šaj keren pe lašarimata taj arakhel vi e avinde pasura.

4.1 O sičarri butivar taj sistematično monitoril sako jekh šavorrenca anglarimos, e sičuvimasko procesos taj e agordimata.

1. O sičarri utilizil/hasnil sistematično observacia taj kaver kaverane taj formativo kučarimaske instrumenti so si e baruvimaske mišto taj dela palpale e procesoske taj e sičuvimaske taj e baruvimaske agordimatango.
2. O sičarri kučarel o nivelo e šavorrenca inkerimasko so trubula paša o lašo sičuvimos taj participacia taj kerel lašarimata ande peske aktivimata sarso trubula.
3. O sičarri garantisarel ke e kučarimasko procesos arakhela taj vazdela e šavorrenca zuralimata, individualo trubulimata taj interesi.

4.2 O sičarri getsarel o sičarimos taj o sičuvimos pala e informacia so si les pala šavorra taj vi pala e themeske ažukarimata.

1. O sičarri getsarel aktivimata save vazdjon pe e šavorrenca baruvimaske niveli taj interesi kaj te šaj primin e relevanto kompetenciji.
2. O sičarri balansuil e getsarde aktivimata e aktivimatenco taj alosarimatenco kerde e šavorrenca, taj maškar arakhel drom te žutil sako jekh šavorrenca pala o stilo taj o sigyarimos e sičuvimasko.
3. O sičarri utilizil/hasnil bulhe getsarimasko aspekto taj arakhela o balanso maškar e ženeske, e cinne grupake taj sa e grupake sičuvimaske phiradimata.
4. O sičarri del pe gata te paravel peske aktivimata kaj te inkrel e šavorrenca interesime taj vi te del len neve pharimata.
5. E sičarreske planura taj akcijsi si doste fleksibilo te pinžaren taj te inkren e neve krujalimata taj vi e šavorrenca neve trubulimata taj interesura.

4.3 O sičarri inkrel šavorrenca, familianca, taj relevanto ekspertis ande o kučarimos taj o getsarimos e procesosko.

1. O sičarri žutisarel e šavorrenca te kerdyon šajune pal sar te kučaren pe taj sar te keren decizia pala pengos sičuvimos taj inkerimos pala čisto taj konzistentno kriteriji.
2. O sičarri sikavel e šavorrenca sar te kučaren e kaverengo inkerimos taj buči.
3. O sičarri taj e familijake žene hulaven informacia pal e šavorrenca progresos taj interesi taj keren khetane skurto taj lungo vramake individualo cilura.
4. O sičarri inkrel relevanto ekspertis ando kučarimos taj getsarimos e procesosko te trubul.

